
**KENYA NATIONAL EXAMINATION COUNCIL
REVISION MOCK EXAMS 2016
TOP NATIONAL SCHOOLS**

**STRATHMORE HIGH SCHOOL
KISWAHILI
KARATASI YA 3**

SCHOOLS NET KENYA
Osiligi House, Opposite KCB, Ground Floor
Off Magadi Road, Ongata Rongai | Tel: 0711 88 22 27
E-mail: infosnkenya@gmail.com | Website: www.schoolsnetkenya.com

STRATHMORE SCHOOL KCSE TRIAL AND PRACTICE EXAM 2016

102/3

FASIHI

KARATASI YA TATU

SEHEMU A: DAMU NYEUSI NA HADITHI NYINGINE

Ken Walibora na Said A. Mohammed

Swali la Lazima

1. ... Hasadiki kama yote yaliyojiri yaliyokuwa mafamba au mazingaombwe au mambo halisi. Mambo mengine yanakuwa kama ndoto au jinamizi...
 - (a) Weka dondoo hili katika muktadha wake (alama 4)
 - (b) Eleza mambo yote yaliyojiri (alama 10)
 - (c) Fafanua sifa tatu za anayerejelewa (alama 6)

SEHEMU B: RIWAYA

KEN WALIBORA: KIDAGAA KIMEMWOZEA

Jibu swali la 2 au la 3

2. ... Huyo mwendawazimu anakuja nini kwenye sherehe hizi?
 - (a) Eleza muktadha wa dondoo hili (alama 4)
 - (b) Jadili uhusiano uliopo baina ya mzungumzaji na maudhui (alama 6)
 - (c) Taja mbinu ya lugha zilizotumika katika dondoo (alama 2)
3. (a) Mwandishi wa kidagaa kimemwozea amemulika ukiukaji wa haki za kibinadamu. Jadili. (alama 10)
 - (b) Eleza jinsi mbinu rejeshi imetumika katika riwaya ya kidagaa (alama 10)

SEHEMU C: TAMTHLIA:

TIMOTHY AREGE: Mstahiki Meya

Jibu swali la 4 au la 5

4. "...Sisi tunaamini kabisa tunachokitaka ni haki yetu na ya vizazi vingine...
 - (a) Weka dondoo hili katika muktadha wake (alama 4)
 - (b) Haki hizi zimekiukwa vipi? (alama 10)
 - (c) Eleza sifa za anayezungumza (alama 6)
5. (a) Linganua wahusika wafuatao katika Tamthlia ya Mstahiki Meya (alama 12)
 - (i) Mstahiki Meya
 - (ii) Diwani III
 - (b) Methali ni mojawapo wa Tamathali za lugha zilizotumika katika Tamthilia ya Mstahiki Meya. Thibitisha (alama 8)

SEHEMU YA D: USHAIRI

Jibu swali ya 6 la 7

6. Angawa mdogo, dagaa, amekomaa
Kaanga kidogo, dagaa, atakufaa
Kalia kinaya, dagaa, h'ondoa njaa

Wa kwako udogo, kijana, sio balaa
Na sio mzigo, kijana, bado wafaa
Toka kwa mtego, kijana, sinyanyapaa

Nasaha kidogo, kijana, ukubwa jaa
Jikaze kimbogo, kijana, acha kukaa
Chimbua mhogo, kijana, usibung'aa

Na wake udogo, dagaa, ndani hukaa,
Kuliko vigogo, dagaa, hajambaa
Hapati kipigo, dagaa, hauna fazaa

Maisha si mwigo, kijana ushike taa
Sihofu magego, kijana, nawe wafaa
Kazana kidogo, kijana, kugaaga

Maswali

- (a) Lipe shairi hili anwani mwafaka (alama 2)
(b) Eleza arudhi zilizofuatwa katika kutunga shairi hili (alama 4)
(c) Onyesha jinsi malenga alivyotumia uhuru wake (alama 3)
(d) Tambua bahari katika shairi hili (alama 3)
(e) Andika ubeti wa tatu kwa lugha ya nathari (alama 4)
(f) Tambua mbinu za lugha zilizotumika katika shairi (alama 2)
(g) Eleza toni la shairi hili (alama 2)

7.

Eti

Mimi niondoke hapa
Niondoke hapa kwangu
Nimesaki, licha ya risasi
Vitisho na mauaji, siondoki

Mimi

Siondoki

Siondoki siondoki

Niondoke hapa kwangu!
Kwa mateke hata na mikuki
Marungu na bunduki, siondoki

Hapa

Siondoki

Mimi ni Pahame!
Niondoke hapa kwangu!

Fujo na ghasia zikizuka
Na kani ya waporaji, siondoki

Haki
Siondoki
Kwangu siondoki
Niondoke hapa kwangu!
Nawaje; waje wanaokuja
Mabepari wadhalimu, siondoki

Kamwe
Siondoki
Ng'oo hapa kwangu!
Katizame chini mti ule!
Walizikwa babu zangu, siondoki

Sendi
Nende wapi?
Si hapa kitovu changu
Niondoke hapa kwangu
Wangawa na vijikaratasi
Si kwamba hapa si kwangu, siondoki

Katu
Siondoki
Sihitaji karatasi
Niondoke hapa kwangu
Yangu mimi ni ardhi hii
Wala si makaratasi, siondoki

Maswali

- a) Shairi hili ni la aina gani? Kwa nini (alama 2)
- b) Taja masaibu anayopitia mzungumzaji (alama 4)
- c) Eleza toni ya shairi hili (alama 2)
- d) Eleza muundo wa shairi hili (alama 3)
- e) Tambua matumizi ya mbinu ya usambamba (alama 2)
- f) Andika ubeti wa tano kwa lugha nathari (alama 4)
- g) Tambua idhini moja ya mtunzi (alama 1)
- h) Eleza maana ya maneno yafuatayo kama yalivyotumika katika shairi (alama 2)
- (i) Karatasi
- (ii) Nimesaki

SEHEMU YA E: FASIHI SIMULIZI

8. (a) Ni nini maana ya ulumbi (alama 2)
- (b) Eleza sifa za mtendaji katika ulumbi (alama 8)

(c) Ngomezi zina umuhimu upi katika Jamii (alama 8)

(d) Toa mifano miwili ya ngomezi (alama 2)